



CONGREGATIONAL CHRISTIAN CHURCH SAMOA

P O Box 468
Apia
SAMOA
Website: www.cccs.org.ws

Office phone line: (685) 24414
Direct line: (685) 22279
Fax: (685) 20429
Email: vtaufao@cccs.org.ws

OFFICE OF THE GENERAL SECRETARY

20 Mati 2020

Susuga i Toeaina ma outou Faletua
Susuga i Faafegaiga ma outou Faletua
Afioga i Tiakono Toeaina ma outou Faletua
Susuga i A'oa'o Fesoasoani ma outou Faletua
Afioga i Tiakono ma outou Faletua
Pa'ia ma mamalu o aulotu, pulega ma Matagaluega
Ekalesia Faapotopotoga Kerisiano Samoa
SAMOA MA ATUNU'U I FAFO

Mataupu: Tolopoina o le Fono Tele 2020

Susuga e, Afioga e,

I le Suafa manumalo o le Ao o le Ekalesia, e faatalofa atu ai ma le agaga faaaloalo tele i le pa'ia o le Ekalesia i ona tulaga faalupea. O se Taofi vaivai, Ta'oto ia faamaene o tai loloto outou pa'ia sautuafafafa ma mamalu maualuluga, auā e lē agatonuina e le faatauva'a o la outou auauna. Tau ia na'ou na ou faapea atu – “Tulou lava!” Faamolemole ia vaimagalo le leo o le auauna i lo outou finagalo i le Tala Lelei a lo tatou Ali'i o Iesu Keriso.

I le ava tele ma le faaaloalo e tata ai, ou te tapenaina ai leni tusi e fai ma sui o le Afioga i le Taitaifono ma le Laulau o le Fono Tele, aemaise le Taitaifono ma le Laulau o le Komiti a le Au Toeaina. A'o feagai ai le Ekalesia, atunu'u ma le lalolagi, ma le ogaoga o le faama'i o le COVID-19 (Corona) pei ona a'afia ai fanau a le Atua i leni vaitau. Ua tonu ai i le tofā ma le faautautaga i Laulau o le Fono Tele ma le Komiti o le Au Toeaina e faapea:

O le a tolopoina le Fono Tele a le Ekalesia o leni tausaga 2020, o le a lē faatanu'uina i le masina o Me pei ona masani ai. E tulimata'i pea aluga ma tualumaga o le faama'i ona toe fetu'una'i ai lea mo le lumanai, ona tatou toe felogonai lava lea mo se fuafuaga lelei ma talafeagai mo le Ekalesia.

Tatou tatalo faatasi pea i le Atua ma Lona alofa lave'ai e maua ai se fofo mo leni faama'i. Faaalia pea Lona mana i vaega uma o lo outou soifua ma lo'u nei foi ola. Manuteleina le feagai ai ma feau o Lana Tala lelei

E alolofa tele atu

O la outou auauna ia Keriso

Vavatau Taufao
Failautusi Aoao, EFKS